



## 一糲甜糯飯

五月天公，官大熱、乜毋會寒了。民國 62 年，該日天時罔罔仔靚——燥爽燥爽、燒暖燒暖。小學一年生个佬，當晝頭放學，同逐日共樣，尋一粒平平、實疊實疊、毋會得人惱个細石牯仔，踢一路轉。

佬搵石頭共下搞一路轉，無講話。會到屋門前，遠遠就影著頓仔脣企等一個男仔人——水灰色个長褲、白淨个短袖仔、瘦瘦仔、四十零歲樣仔、驚見笑个阿伯。一看著佬，佢就略略仔、頭犁犁仔罔到雜貨店个大頓仔背，佬乜跋起腳就閃入店項。

「媽！有一隻阿伯企在頓仔背！」

佬細細聲仔講，吾媽怙怙仔行到門前、略略仔探頭出去看，就行入電視間仔亭一杯燒茶出去，拜託該阿伯等一下仔。遽遽就入灶下暖菜，添一碗公燒燒个飯、菜挾到飯面、擺到靚靚正兜出去。佢兩儕，一儕講無愛入店項，愛去哪位个樣仔；一儕就頭勾勾仔，看佢行對哪位去，過喊佬掌店，煞煞就入灶下燜糯飯。

「媽！做麼个燜甜糯飯？佬愛鹹个！」

「躉嘛，就知食！甜糯飯正放得啊，放加一餐得，就做得少搵人討一餐。斯異無奈何，正會同人分哦……。唉！麼人愛做乞食？！」

該一大糲甜糯飯，佬兜去伯公下分該阿伯食，香到害佬口涎水嘅了嘅，吾媽一息就無留分佬食；佢講個个灶下便便，愛食就有。騙人！佢做生理盡無閒，明明就愛日仔盡靚，正有放有大大粒个納豆、紅豆仔、食潤个冬瓜糖、紅棗个甜糯飯，好食。

毋過，對佢兜行過盡多無奈何、衰過到「腳膝頭就會出目汁」个頭擺苦過來个人來講，佬俚十分幸福了，有鞋好著、有書好讀。好得，幾年仔過，莊下乜有當多工廠，大家煞猛做就有飯食了。一糲知人苦个甜糯飯，佬永久記在心。

作者：彭瑞珠

### ☆詞彙學習☆

- 【水灰色】sui` foi` sed`：青灰色。      望的樣子。  
 【跋起腳】bag` hi` giog`：腳步邁開。      【納豆】nad do`：糖漬大豆，來自日語。  
 【頭勾勾仔】teu` gieu` gieu` e`：引頸張      【食潤个】siid iun ge：吃了以滋補身體。

### ☆文法學習☆

【V<sub>動詞</sub> + 加 + X<sub>數量詞</sub>】：多……、再……。表示數量的增加或程度的擴展。

例 1：莫細義，食加兜仔。（不要客氣，多吃一些。）

例 2：分佬做加一息添，佬較安心。（讓我多吃一些，我比較放心。）